



Газета 1966 йил 1 июлдан чиқа бошлаган


ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 10 (12.071)

Баҳоси эркин нарҳда

ПОЙТАХТНИНГ БИР КУНИ

Рақобатбардош маҳсулот турларини харидорларга етказиб беришда бозор талаблари асосида изланаётган, бу борада юксак унумли хорижий технологик линиялар қувватидан фойдаланаётган кичик бизнес субъектлари ва хусусий тадбиркорларнинг ҳиссаси салмоқли бўлмоқда.



Ислохотлар оқимида

РАҚОБАТБАРДОШ МАҲСУЛОТ ТУРЛАРИ КЎПАЯДИ

Бунинг асосий омили эса мамлакатимизда соҳа ходимларига яратилган ҳар томонлама қулай имкониятлар бўлиб, улардан самарали фойдаланилаётгани боис ҳам кичик бизнеснинг иқтисодидеятимиз ривожидagi улуши йилдан йилга ортиб бораётгани яққол исботини топмоқда.

Ана шундай жамоалар қаторида фаолиятининг ўтган беш йили давомида ишлаб чиқариш ҳажми ва маҳсулот турларини ошираётган «ARS TRIOMAX» масъулияти чекланган жамиятини алоҳида таъкидлаш ўринли. Мазкур корхонада бугунга келиб 300 турдаги трикотаж маҳсулотлари ишлаб чиқариш йўлга қўйилган бўлиб, улар сифати, ўзига хос дизайни билан харидорларни жалб этмоқда. Бу борада модельер-дизайнерларнинг ҳар бир маҳсулот моделини яратишдаги изланишлари, ички ҳамда ташқи бозорни ўрганишдаги масъулиятларини, замонавий тикув дастгоҳларидан юқори унум билан фойдаланаётган, рақобатбардош кийим-кечак турларини тайёрлашда маҳорат кўрсатаётган чеварларнинг меҳнатини айтиш лозим.

Корхона цехларида эркаклар, аёллар ва болалар трикотаж либосларини тайёрлашда ўзимизда ишлаб чиқарилаётган матолар қўл келади. Энг эътиборли томони эса ички бозорда харидорини топаётган маҳсу-

лотлар импорт ўрнини босиши билан ажралиб туради. Албатта, бунда корхона мутасаддиларининг тадбиркорлик билан изланишлари, хорижий ҳамкорлар тажрибаларини ўрганишлари, цехларни янги технологик дастгоҳ ва ускуналар билан жиҳозлашга эътибор қаратишлари ўз самарасини бермоқда. Шунингдек, ишчи-хизматчиларга яратилаётган шарт-шароитлар ҳам иш сифатига ижобий таъсир кўрсатмоқда.

Йилдан йилга иш ўринларини кўпайтириб, ёшларнинг малакасини оширишга эътибор қаратилаётган жамоада айни пайтда 65 нафардан зиёд ишчи-хизматчи меҳнат қилмоқ-

да. Ўтган йилда ишлаб чиқаришга жорий этилиб, харидорларга етказиб берилган янги маҳсулот турларида уларнинг ҳиссаси катта. Ёшларга хунар сирларини мукамал ўргатишда эса маҳоратли чеварлар тажрибасидан кенг фойдаланилмоқда. Тадбиркорлар буюртмаларни кўпайтириш, харидорларни жалб этишни мақсад қилган ҳолда мамлакатимизда ўтказилаётган кўргазма ва танловларда фаол иштирок этишга, фойдали шартномалар тузишга муваффақ бўлишмоқда.

Кичик бизнес ва хусусий тадбиркорлик йилини муваффақиятли янқулаган жамоадошлар жорий йил ре-

жаларини ҳам белгилаб олишди. Корхонани янада кенгайтириш, янги цехларни хорижда келтирилган замонавий технологик ускуналар билан жиҳозлаш, ёшларни иш билан таъминлаш, энг муҳими рақобатбардош маҳсулот турларини кўпайтириб, экспортни ҳам йўлга қўйиш бу йилда уларнинг кўзлаган мақсадлари сирасига қиради. Албатта, дилдаги эзгу ният тинимсиз меҳнату шижоат билан амалга ошишини тадбиркорлар жуда яхши билишади ва саъй-ҳаракат ҳам шунга яраша бўлади.

Шарифа ИЛЁСОВА
Ҳакимжон Солихов олган сурат

Мамлакатимизнинг Франциядаги элчихонасида 2011 йил 25-26 ноябрь кунлари Тошкентда ўтказилган «Ўзбекистонда оналик ва болаликни муҳофаза қилиш миллий модели: «Соғлом она – соғлом бола» халқаро симпозиуми якунларига бағишланган брифинг бўлиб ўтди. Унда Франциянинг расмий, ижтимоий-сиёсий, илмий, эксперт-таҳлил доиралари, ноҳукумат ташкилотлар, оммавий ахборот воситалари, дипломатия корпуси, ЮНЕСКО ва бошқа халқаро ташкилотларнинг вакиллари ҳозир бўлдилар.

Тадбир иштирокчилари Ўзбекистон Республикаси Президенти Ислам Каримовнинг мазкур халқаро анжуман очилишидаги нутқининг асосий жиҳатлари, мустақил ривожланиш йиллари давомида республикада ўтказилган ислохотлар ва соғлиқни сақлаш соҳасида эришилган кенг қўламли муваффақиятлар, шунингдек, Жаҳон соғлиқни сақлаш ташкилоти Бош директори Маргарет Чен ҳамда хорижий мамлакатлардан ташриф буюрган халқаро ташкилотлар вакиллари томонидан билдирилган фикр-мулоҳазалар билан атрофлича танишдилар.

Брифингга сўзга чиққан **Франция Меҳнат, аҳоли бандлиги ва соғлиқни сақлаш вазирлигининг Шарқий Европа, Ўрта Осиё ва Қозоғистон мамлакатлари билан ҳамкорлик департаментининг бошлиғи Мари-Камий Ленорманд** Тошкент форуми якунларига юқори баҳо берди.

«Ўзбекистон Республикаси Президенти Ислам Каримов ташаббуси билан ташкил этилган мазкур халқаро тадбир Ўзбекистоннинг соғлиқни сақлаш соҳасида эришган улкан муваффақиятлари билан яқиндан танишиш, она ва бола саломатлигини муҳофаза қилиш тизимининг тараққиёти юзасидан амалий тажриба ҳамда ахборот алмашиш учун ажойиб имконият бўлган

ни ҳолда мамлакатнинг БМТ мингйиллик ривожланиш мақсадлари рўйбга чиқарилишига содиқлигини тасдиқлади», деди М.К.Ленорманд хоним.

Унинг фикр билдиришича, Ўзбекистонда соғлиқни сақлаш тизимини ривожлантириш давлат сиёсатининг му-

«ЎЗБЕКИСТОН ЎЗИНИНГ СОҒЛИҚНИ САҚЛАШ ТИЗИМИ БИЛАН ФАХРЛАНИШГА ҲАҚЛИДИР»

ҳим устуворлиги ҳисобланиши алоҳида диққат-эътиборга сазовордир.

«Кўпгина давлатлар иқтисодий инқирознинг салбий оқибатларини бошдан кечираётган бир пайтда дунёдаги тараққий топган мамлакатларнинг ҳаммаси ҳам бундай кучли ижтимоий сиёсатни амалга оширгани билан фахрлана олмайди. Ҳозирги пайтда Ўзбекистонда рўйбга чиқарилаётган соғлиқни сақлаш тизимини модернизациялаш бўйича дастур юқори малакали кадрлар тай-

ёрлаш, тиббий муассасаларни замонавий технология воситалари билан жиҳозлаш, қишлоқ жойларда тиббий хизматдан фойдаланиш имкониятларини яхшилаш ва бошқа муҳим тадбирларни ўз ичига олгандир. Ўзбекистоннинг бу соҳадаги эътирозга ўрин қолдирмайдиган муваффақиятлари энг нуфузли халқаро ташкилотлар, жумладан, Жаҳон Соғлиқни сақлаш ташкилоти томонидан эътироф этилмоқда», деди Франция Меҳнат, аҳоли бандлиги ва соғлиқни сақлаш вазирлигининг вакили.

М-К.Ленорманднинг қайд этишича, мазкур халқаро симпозиумда қатнашувчи Ўзбекистон Соғлиқни сақлаш вазирлиги вакиллари билан учрашиш ҳамда тиббиёт соҳасида икки томонлама ҳамкорлик истиқболларини муҳофаза этиш имконини ҳам берди. Унинг айтишича, сил касаллиги, ОИТСга қарши кураш ҳамкорлиқдаги саъй-ҳаракатларнинг устувор йўналишларидан бири ҳисобланади.

«**Авиценна** Ассоциациясининг аъзоси **Эрве Керрос** мамлакатда аҳоли умр кўриши даражасининг доимий равишда ошаётгани, оналар ва болалар ўлими камайиб бораётгани эътиборга сазовор жиҳат эканлигини алоҳида таъкидлади. «Аҳоли замонавий тиббиёт муассасаларида даволаниш имкониятига эгадирки, бу тиббиёт масканлари тобора такомиллашиб, модернизациялашиб бораётди. Мустақиллик йиллари мобайнида Ўзбекистонда санитар-гигиена талабларига жавоб берадиган юзлаб замонавий бинолар, турар-жойлар бунёд этилди. 1600 дан зиёд касб-хунар коллежлари ва академик лицейлар, спорт иншоотлари ва майдончалари қурилди. Ҳукумат томонидан тиббиёт кадрлари тайёрлаш юзасидан катта ишлар амалга оширилмоқда ҳамда уларнинг малакалик даражаси такомиллашмоқда, жойларда инфратузилмаларни яхшилаш бўйича чора-тадбирлар қўрилмоқда, сармоёлар жалб этилмоқда», деди у.

(Давоми 2-бетда)



МАМЛАКАТИМИЗДА

● Хабар қилинганидек, «Туркистон» саройида Ватан ҳимоячилари куни ва Ўзбекистон Куролли Кучларининг 20 йиллиги муносабати билан тантанали маросим бўлиб ўтди. Шу муносабат билан бу ерга аскар ва сержантлар, офицерлар, генераллар, Куролли Кучларимиз фахрийлари, ота-оналар ва жамоатчилик вакиллари таклиф этилди. Ўзбекистон Республикаси Президенти, Куролли Кучлар Олий Бош Қўмондони Ислам Каримовнинг Ўзбекистон Куролли Кучларининг 20 йиллиги муносабати билан Ватан ҳимоячиларига байрам табригини Ўзбекистон Республикаси муҳофаза вазири Қ.Бердиев ўқиб эшиттирди. Ватан ҳимоячилари куни ва Ўзбекистон Куролли Кучларининг 20 йиллигига бағишланган тантанали маросим катта байрам концерти билан якунланди.

● Куролли Кучларимиз ташкил этилганлигининг 20 йиллиги ҳамда Ватан ҳимоячилари куни арафасида Термиз шаҳрида Миллий хавфсизлик хизмати чегара қўшинларида ўз хизмат бурчини ўтаётган бир гуруҳ ҳарбий хизматчилар учун 27 хонадондан иборат барча қулайликларга эга икки қаватли замонавий турар жой биноси қурилиб, фойдаланишга топширилди.

● Қашқадарё вилояти Деҳқонобод туманидаги «Одамтош» телестанциясида Япониянинг «NEC» компанияси билан ҳамкорликда 2,0 кВт қувватига эга рақамли узатиш қурилмаси ўрнатилди. Натижада вилоятнинг 75 фоиз ҳудудида яшовчи аҳолининг рақамли теледастурларни томоша қилиши учун шароит яратилди.

● Зангиотла туманидаги Бўзсув қишлоғида «Агровер» масъулияти чекланган жамиятининг ишга тушиши билан 3000 минг тоннага яқин сархил мева-сабзавотни узок мuddатга сифатли сақлаш имкони вужудга келди. Лойиҳа қиймати 1,1 миллион АҚШ долларлик мазкур иншоот Италия, Германия ва Голландия табиётининг асосида жиҳозланиб, вакуумли агрегатлар ёрдамида маҳсулотнинг сифати бузилмаслиги таъминланади.

ЖАҲОНДА

● Кеча Қозоғистонда парламентнинг куйи палатасига суйловлар бўлиб ўтди.

● Кеча Руминияда иқтисодийёт соҳасида амалга оширилаётган кескин чора-тадбирларга қарши норозилик намойишлари бўлиб ўтди. Намойишчилар орасида жароҳатланганлар ҳам бор.

● Кеча Россиянинг «Фобос-Грунт» илмий станциясининг парчалари Тинч океанига тушди.

● Италиянинг Жильо ороли атрофида «Коста Конкордия» улкан сайёҳлик кемаси ҳалокатга учради. Ушбу кемада экипаж аъзолари билан бирга 4300 га яқин киши бўлиб, ҳалокат натижасида беш киши ҳаётдан кўз юмган, 15 нафар одам бедарак йўқолган. Ушбу кема ҳалокати муносабати билан Италия прокуратураси томонидан жиноий иш очилган, кема капитани ҳибсга олинган.

● Жанубий Корея танкери Сарик денгизда чўкиб кетиши натижасида беш киши ҳалок бўлган.

● Нигерияда диний кўпурувчилик ҳаракатлари авж олмоқда. Мамлакат шимолидаги Потискум шаҳрида бир тўда куролланган кимсалар маҳаллий қаҳвахонада ўтирганларни ўққа тутиши натижасида саккиз нафар одам ва тўрт нафар полициячи ҳалок бўлган. Мамлакатдаги нотинчликлар туфайли фақулудда ҳолат эълон қилинди.

● Покистонда дафн маросими чоғида юз берган фақулудда ҳодиса туфайли 10 киши ҳалок бўлди, 15 нафар одам турли даражадаги тан жароҳатлари олди.

● Москвада истиқомат қилувчи 85 ёшли қариянинг бош чаноғида ўқ борлиги аниқланди. Асли мутахассислиги муҳандис бўлган бу қария юрак хасталиги боис шифокорларга мурожаат қилган. Кўриқдан ўтаётганда эса унинг бош чаноғидан ўқ топилган. Беморнинг айтишича, уч ёшлик чоғида акаси уни отасининг тўпнотчаси билан тасодифан отиб қўйган. Жароҳатланган бола ҳушини йўқотган, бироздан сўнг ҳеч қандай оғриқ ва ўзгариш сезмаган. Шу тариқа болакай бош суягидаги ўқ билан 82 йил яшаган.

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **ЭРТАГА** Олмазор туманидаги 159-мактабда республика Байналмилал маданият марказининг 20 йиллиги муносабати билан «Ўзбе-

кистон — ягона уйимиз» мавзусида туман ҳокимлиги ва Маънавият-тарғибот маркази ҳамкорлигида маънавий-маданий тадбир ўтказилади.

✓ **ТОШКЕНТ** шаҳар Халқ таълими бош бошқармаси томонидан сўз

мулкининг султони Алишер Навоий таваллудининг 571 йиллиги ҳамда Заҳриддин Муҳаммад Бобур туғилган куннинг 529 йиллигига пойтахтимиз умумтаълим мактабларида тайёргарлик кўриш, уни муносиб нишонлаш бўйича чора-тадбирлар режаси ишлаб чиқилди.

✓ **ЎЗБЕКТЕЛЕКОМ** акциядорлик компанияси ва Хиндистоннинг «NGL Technologiya LTD» компанияси мутахассислари ўзаро ҳамкорликда иқтисодийнинг реал секторидаги дастурий маҳсулотларни тузиш ва ишлаб чиқиш имкониятларини таҳлил қилишди.

